


Beibl i Blant
yn cyflwyno



Daniel yn
ffau'r
llewod



Awdur: Edward Hughes

Lluniau gan: Jonathan Hay

addaswyd gan: Mary-Anne S.

Cyfieithydd: Catrin Roberts


Cynhyrchwyd gan: Bible for Children
www.M1914.org

©2020 Bible for Children, Inc.


Trwydded: mae gennych hawl i gopio
neu argraffu'r stori hon, ar yr amod
nad ydych yn ei gwerthu.



Dareius oedd brenin newydd Babilon.
Roedd e'n ddyn clyfar. Dewisodd
cant a dau ddeg
o bobl orau'r
deyrnas
i'w helpu
i reoli.




Yna dewisodd tri i fod yn ben arnyn
nhw. Roedd Daniel yn un o'r tri
chomisiynydd
hynny.




Roedd y Brenin Dareius â meddwl
mawr o Daniel. Fe wnaeth e ystyried

rhoi'r
deyrnas
gyfan o
dan ei
ofal.



Roedd yr arweinwyr eraill yn
genfigennus, ac roedden nhw eisiau
ffeindio bai ar Daniel er mwyn cael
dweud hynny wrth
y brenin.




Ond roedden nhw'n methu dod o hyd
i unrhyw sgandal am Daniel. Roedd
bob amser yn ffyddlon i'r brenin.
Roedd hefyd yn ofalus ac yn alluog,
ac yn gwneud popeth
hyd eithaf ei allu.




Roedd yr arweinwyr cenfigennus yn gwybod am un ffordd yn unig o osod trap i Daniel.

Roedden nhw'n gwybod na fyddai dim byd yn stopio fe addoli Duw Israel.



Dyma elynion Daniel yn meddwl
am gynllun. Fe wnaethon nhw
wneud cyfraith newydd i'r brenin ei



Y BRENIN YN
CYHOEDDI
CYFRAITH


harwyddo. Roedd y
gyfraith yn gorchymyn
fod pawb i weddio ar y
brenin - a neb arall.
Byddai unrhyw un
oedd yn torri'r
gyfraith yn cael ei
daflu i ffau'r llewod.




Dyma'r brenin Dareius yn
arwyddo'r gyfraith newydd.



Doedd dim ots gan
Daniel am y gyfraith
newydd. Fe wnaeth
beth oedd e wastad
yn ei wneud. Aeth ar
ei liniau o flaen ei
ffenestr agored
dair gwaith bob
dydd i weddio
ar Dduw.





Rhuthrodd yr arweinwyr
cenfigennus
i ddweud
hyn wrth y
brenin.
Doedd dim
dewis gan y
brenin Dareius -
roedd yn rhaid
iddo arestio
Daniel.





Roedd yn rhaid ufuddhau
i'r gyfraith.
Roedd yn
rhaid i Daniel
gael ei ladd.
Er i'r brenin
geisio meddwl
am ffordd i'w helpu,
doedd hi ddim yn
bosibl newid
y gyfraith. ❤️

Cafodd Daniel ei ddedfrydu i gael
ei daflu i ffau'r llewod. Cyn i hyn
ddigwydd, dywedodd y brenin
Dareius wrtho, "Bydd dy
Dduw, yr un rwyf ti'n ei
addoli mor

ffyddlon, yn
dy achub di!"



Methodd y brenin a chysgu'r noson honno. Yn gynnar iawn y bore wedyn, rhuthrodd y brenin at ffau'r llewod.



Dyma'r brenin yn galw, "Daniel,
Gwas y Duw byw. Ydy'r Duw wyt ti'n
ei addoli mor ffyddlon wedi gallu dy
achub di rhag y llewod?"

Oedd e'n disgwyl ateb?

Wyddon ni ddim.

Ond dyma Daniel

yn ateb!




Dyweddodd
Daniel, "O
frenin! Mae fy

Nuw wedi anfon ei angel i gau cegau'r
llewod, a dŷn nhw ddim wedi mrifo
i o gwbl!

Wnes i
ddim drwg
i chi, O
frenin!"



Roedd y brenin wrth ei fodd! Dyma fe'n gorchymyn codi Daniel allan o'r ffau.



Roedd y brenin
yn gwybod fod Duw
wedi achub Daniel,
a bod gelynyion
Daniel yn
elynyion i
Dduw.



Dyma'r brenin yn
gorchymyn fod y dynion
oedd wedi ei dwyllo i
arwyddo'r gyfraith
ddrwg i'w
taflu i ffau'r
llewod.
A dyma'r
llewod
yn eu
bwyta.



Roedd y Brenin Dareius am i'r byd
wybod fod Duw'r Nefoedd wedi
amddiffyn Daniel, ei was ffyddlon.



Ysgrifennodd lythyr yn gorchymyn
i bawb addoli'r Duw byw. Ac fe
gafodd Daniel fod yn arweinydd
unwaith eto.



Daniel yn ffau'r llewod
Stori o Air Duw, y Beibl
sydd i'w gweld yn
Daniel 6

"Pan ddatguddir dy air, bydd yn goleuo."
Salm 119:130



Y Diwedd



Mae'r stori hon o'r Beibl yn dysgu ni am ein Duw rhyfeddol. Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.



Os wyt ti'n credu bod hyn yn wir, beth am ddweud hyn wrth Dduw: Annwyl Iesu, rwy'n credu i ti ddod yn ddyn i farw dros fy mhechodau, a dy fod ti'n fyw eto. Os gweli'n dda, tyrdd i mewn i'm bywyd.

Maddau fy mhechodau i mi gael bywyd newydd nawr, ac yna un diwrnod bod hefo ti am byth. Helpa fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

